

ԳԵՐԱԾԵՈՐՀ Տ. ԲԱՐԳԵՆ ԵՊԻՍԿՈՊՈՍ ԵՊԱՏԵՆ

Նորապսակ Տ. Բարգեն եպիսկոպոսը, ավագանի անունով Հովսեփ, բնիկ անթաքցի ծնողների զավակ, ծնվել է 1918 թվականի դեկտեմբերին, տարագրության ճանապարհի վրա:

1920 թվականին ծնողների հետ հաստատվում է վերջնականապես Հալեպ քաղաքում, և իր նախնական կրթությունը ստանում է Հալեպի անթաքցիների հանրաժանոթ կրթասիրաց երկսեռ վարժարանում:

1932 թվականին փայլուն կերպով ավարտում է դպրոցը և նույն տարվա սեպտեմբերին ընդունվում է Երուսաղեմի Ժառանգավորաց վարժարանը:

Ուսանողության տարիներին նա աչքի է ընկնում իր ջանասիրությամբ, կարգապահությամբ, և սիրվում բոլոր դասախոսներից, որպես համեստ և ազնիվ ուսանող:

1936 թվականին հաջող կերպով ավարտում է Ժառանգավորաց վարժարանի քառամյա դասարանական բաժինը և 11 ընկերների հետ սարկավազ է ձեռնադրվում հոգեւույս Տ. Թորգոմ պատրիարքից ու ընդմիջտ իր կյանքն ու գործունեությունը կապում Ս. Երուսաղեմի միաբանության հետ:

Հովսեփ սարկավազը եղել է միշտ իր դասարանի ուսման գերազանցիկներից մեկը և առաջինը իր վարք ու բարքով:

1939 թվականին ավարտելով ընծայարանի եռամյա դասընթացը, հոգեւույս Տ. Մեսրոպ պատրիարքից ձեռնադրվում է կուսակրոն քահանա, և Ս. Աթոռի ներս, հալուալ իր շատ երիտասարդ տարիքին, կոչվում է պատասխանատու վարչական-վանական պաշտոնների:

1940—1942 թվականներին նշանակվում է Երուսաղեմի Ս. Աթոռի նււմտից տեսուչ: 1943—1948 թվականներին ձեռնհասորեն վարում է Յաֆայի հայոց Ս. Նիկողայոս և Ռամլեի հայոց Ս. Գևորգ վանքերի ընդհանուր և երեւոտից տեսչությունը, միաժամանակ որ-



պես կրթական տեսուչ ղեկավարելով Յաֆայի հայոց Ս. Գլխադրի վարժարանը, ուր բարձր դասարաններին դասավանդում է գրաբար և քրիստոնեական:

1948—1959 թվականներին նշանակվում է Երուսաղեմի Հայոց Պատրիարքության ներկայացուցիչ Իսրայելում:

Հոգեւորհ Տ. Բարգեն վարդապետը իր տեսչության տարիներին ծավալում է կրթական, մշակութային, շինարարական բեղուն գործունեություն, մեծապես սիրվում իր ժողովրդի կողմից և ըստ արժանվույն գնահատվում վանական իշխանության կողմից:

Տ. Բաբգեն վարդապետ Ապատյանը, իր վարչական ծանր պաշտոնավարության երկար տարիներին, զբաղվում է նաև գիր ու գրականությամբ, ուսուցչական ու թարգմանական աշխատանքներով: Նա աշխատակցում է «Սիոն» ամսագրին, ուր ստորագրում է բովանդակալից հոգվածներ՝ փիլիսոփայական, կրոնական, մատենագրական հետաքրքիր թեմաների շուրջ:

1958 թվականի հոկտեմբերին Տ. Բաբգեն վարդապետը առաջին անգամ ուխտի է գալիս Մայր Աթոռ Ս. Էջմիածին և Մայր Հայրենիք, ներկա լինելու Վեհափառ Հայրապետի հոբելյանական հանդիսություններին:

1959 թվականի մայիս ամսին նշանակվում է Հայրապետական պատվիրակ Հարավային Ամերիկայի Հայոց: 1959 թվականի մայիսի

10-ին եպիսկոպոս է ձեռնադրվում Մայր Տաճարում, ձեռամբ Ազգիս Վեհափառ Հայրապետի:

Նորապսակ Տ. Բաբգեն սրբազանը հայ եկեղեցականության պատրաստված և նվիրյալ հոգևորականներից է, լի եռանդով և հավատով՝ սրտագինս ծառայելու մեզ Ս. Եկեղեցուն, հայ ժողովրդին: Նա գտնվում է իր ուժերի ծաղկման և գործունեության հասուն շրջանում:

Տ. Բաբգեն սրբազանին սրտանց բարեմաղթում ենք նորանոր հաջողություններ, իր առաջ նոր բացված ազգային-եկեղեցական ընդարձակ ասպարեզում և վստահ ենք, որ նա որպես խոհուն, լուրջ ու հավատավոր հոգևորական, իր բարեմունքն բնավորության, քաղցր հոգով, կարդարացնի Վեհափառ Հայրապետի բարձր վստահությունը և իր ժողովրդի սերը:

